



O'ZBEKISTON RESPUBLIKASI SOG'LIQNI SAQLASH VAZIRINING

BUYRUG'I

2017 yil "05" 06

№ 245

Toshkent sh.

Соғлиқни сақлаш тизимида янги ташкил қилинаётган оилавий поликлиникаларда ишлайдиган мутахассисларни тайёрлаш бўйича махсус қисқа муддатли ўқув дастури тизимини жорий этиш тўғрисида

Ўзбекистон Республикаси Президентининг 2017 йил 29 мартдаги ПҚ-2857-сонли “Ўзбекистон Республикасида бирламчи тиббий-санитария ёрдами муассасалари фаолиятини ташкиллаштиришни такомиллаштириш чора-тадбирлари тўғрисида”ги Қарори ижросини таъминлаш, янги ташкил қилинаётган қишлоқ оилавий поликлиникалар, тез тиббий ёрдам шахобчаларида ишлайдиган мутахассисларни тайёрлаш, малакасини ошириш тизимини такомиллаштириш мақсадида **буюраман**:

1. Тошкент врачлар малакасини ошириш институти (Х.А.Акилов), Самарқанд Давлат тиббиёт институти (А.М.Шамсиев), Андижон Давлат институти (в.в.б М.М.Мадазимов), Тиббий таълимни ривожлантириш маркази (М.Х.Алимова) жорий йилнинг 7 июнигача янги ташкил қилинаётган оилавий поликлиникаларда ва тез тиббий ёрдам шахобчаларида етишмаётган олий маълумотли тиббиёт кадрларни тайёрлаш, малакасини ошириш бўйича махсус қисқа муддатли ўқув дастурларини ишлаб чиксин ва ўрнатилган тартибда тасдиқлансин.

2.Фан ва ўқув юртлири Бош бошқармаси (Ў.С.Исмаилов), Даволаш-профилактика ёрдамини ташкиллаштириш Бош бошқармаси (Ф.Р.Шарипов), Тошкент врачлар малакасини ошириш институти (Х.А.Акилов), Андижон давлат тиббиёт институти (в.в.б М.М.Мадазимов), Самарқанд Давлат тиббиёт институти (А.М.Шамсиев):

янги ташкил қилинаётган оилавий поликлиникаларда, тез тиббий ёрдам шахобчаларида ишлайдиган мутахассисларни тайёрлаш бўйича мўлжалланган махсус ўқув дастурига биноан ўқитиш графиги жорий йилнинг 7 июнига қадар тасдиқлансин ва ўқитилиши таъминлансин;

жорий йил 10 июнидан махсус қисқа муддатли ўқув дастурлари бўйича мутахассисларни тайёрлаш ва мутахассисликни қайта тиклаш ўқув цикллари киритилсин;

мутахассисликни қайта тиклаш учун (тор мутахассис бўлиб ишлаган ва кейинчалик УАШ врач мутахассислигига ўқиб ишлаган врачлар учун) I ой муддатлик цикллар

тор мутахассисликка эга бўлиб терапия, педиатрия, хирургия, акушерлик-гинекология ва ультратовуш диганостикаси мутахассисликларини эгаллашга даъвогар врачлар учун – 2,5-3,5 ойлик цикллар;

007016

қишлоқ оилавий поликлиникаларидаги терапия, педиатрия, хирургия, акушерлик-гинекология ва ультратовуш диганостикаси мутахассисликлари бўйича умумамалиёт шифокорлари учун 5-6 ойлик цикллари киритилсин:

3.Қорақалпоғистон Республикаси соғлиқни сақлаш вазири, вилоятлар соғлиқни сақлаш бошқармалари бошлиқлари:

янги ташкил қилинаётган оилавий поликлиникаларда, тез тиббий ёрдам шаҳобчаларида ишлайдиган мутахассисларни тайёрлаш учун юборилаётган ходимлар рўйхатини буйруқ билан тасдиқласинлар ва Тошкент врачлар малакасини ошириш институти, Самарқанд ва Андижон Давлат тиббиёт институтига такдим этсинлар;

мутахассисларни қайта тайёрлаш циклларига ўз вақтида юборилиши ва келишини таъминласинлар.


4.Иқтисодиёт, молиялаштириш ва истикболни аниқлаш Бош бошқармаси (М.М.Мирталипов), Тошкент врачлар малакасини ошириш институти (Х.А.Акилов):

янги ташкил қилинаётган оилавий поликлиникаларда ишлайдиган мутахассисларни тайёрлаш билан боғлиқ харажатларни Давлат бюджетининг ҳар йилги параметрларида ушбу мақсадлар учун назарда тутилган маблағлар, шунингдек бюджетдан ташқаримаблағлар, шу жумладан пулли - контракт асосида тиббиёт ходимларининг қайта тайёрлашдан тушадиган маблағлар, ҳомийларнинг маблағлари ва хорижий грантлар доирасида амалга оширсинлар;

махсус қисқа муддатли ўқув дастурига биноан мутахассислик олган ва мутахассислигини қайта тиклаган врачларга ўрнатилган тартибда сертификат бериш таъминлансин. Ушбу сертификатларда фақат Давлат соғлиқни сақлаш тизимининг бирламчи бўғинида ишлаш ҳуқуқини бериш (қишлоқ оилавий поликлиникаларида) ва хусусий бўғинида ишлаш таъқиқланиши кайд этилсин.

5.Мазкур буйруқ ижросини назорат қилишни ўз зиммамда қолдираман.

Вазир



А. Шадманов